



Dobrači određene mjere zabrane

D. POPOVIĆ

SARAJEVO - Sud BiH odredio je mjere zabrane Vahidinu Dobrači (29) iz Sarajeva, koji je osumnjičen da je kao član organizovane grupe vršio međunarodnu trgovinu drogama skank i heroin.

Iz Suda BiH su saopštili da je Dobrači zabranjeno napuštanje mjesta boravišta i putovanja, kao i korištenje lične karte za prelazak granice BiH, te

izrečena obaveza javljanja nadležnom organu jednom sedmično.

"Izrečene mjere zabrane mogu trajati dok za tim postoji

HEROIN
U akciji "Oskar"
pretreseno više
lokacija i oduzeto
više od tri
kg heroina



potreba, odnosno do drugačije odluke Suda, a kontrola opravdanosti vršiće se svaka dva mjeseca", naveli su iz Suda BiH.

U slučaju da osumnjičeni prekrši izrečene mjere zabrane, može mu biti određen pritvor.

Podsjećamo, Dobrača je uhapšen 4. februara u nastavku akcije kodnog naziva "Oskar".

U prethodnom periodu, u okviru predmeta "Oskar", na području BiH i Srbije uhapše-

no je ukupno 15 osoba, a posljednja hapšenja izvršena su 11. decembra prošle godine, kad je SIPA privela osam osoba i pretresla objekte na 10 lokacija.

Tada je privremeno oduzeto više od tri kilograma heroina. Među uhapšenima su tada bili i Ali Lokaj, Nijaz Muharemi, Hakija Mehović, Vidak Milić i Agim Eljšani, te im je polovinom decembra i određen jednomjesečni pritvor.